

# **Odluka kojom se donosi Zakon o izmjenama i dopunama Zakona o Visokom sudskom i tužilačkom vijeću Bosne i Hercegovine**

**Koristeći se ovlaštenjima** koja su Visokom predstavniku data u članu V. Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o implementaciji civilnog dijela Mirovnog ugovora; i posebno uzimajući u obzir član II.1. (d) prethodno navedenog Sporazuma prema kojem Visoki predstavnik "pruža pomoć kada to ocijeni neophodnim, u iznalaženju rješenja za sve probleme koji se javе u vezi sa implementacijom civilnog dijela Mirovnog ugovora";

**Pozivajući se** na stav XI.2 Zaključaka sa Konferencije o implementaciji mira održane u Bonu 9. i 10. decembra 1997. godine, a na kojoj je Vijeće za implementaciju mira pozdravilo namjeru Visokog predstavnika da upotrijebi svoj konačni autoritet u zemlji u pogledu tumačenja Sporazuma o implementaciji civilnog dijela Mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada procijeni da je to neophodno" o određenim pitanjima uključujući (prema tački (c) ovog stava) "mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta";

**Uvjeren u** vitalni značaj koji za Bosnu i Hercegovinu ima

nastojanje da se ojača i slijedi vladavina zakona kako bi se stvorila osnova za privredni rast i strane investicije;

***Uz uvažavanje*** stava I.2.a Zaključaka donesenih na navedenoj konferenciji u Bonu koji potvrđuju "da je nepristrasno i nezavisno pravosuđe" od "suštinskog značaja za vladavinu prava i pomirenje u Bosni i Hercegovini", da proces imenovanja sudija i tužilaca mora biti zasnovan na sposobnostima, da se mora uspostaviti institucija za edukaciju sudija i tužilaca, te da je kontrola pravosudnog sistema element od suštinskog značaja za pomenuti proces;

***Rukovodeći se*** stavom II.2 Aneksa Deklaracije Vijeća za implementaciju mira (Madrid, 16.12.1998. godine) u kojoj se "naglašava značaj intenziviranih napora u provođenju reforme pravosuđa, koje koordinira Visoki predstavnik, kako bi se pružila podrška naporima organa vlasti u Bosni i Hercegovini", te "apelira na Visokog predstavnika da dalje razvija strateški plan sveobuhvatne reforme pravosuđa, kojim se utvrđuju kratkoročni i dugoročni prioriteti, uz konsultacije sa organima vlasti, Vijećem Evrope, OSCE-om, UNMIBH-om i drugim organizacijama";

***Imajući u vidu*** Deklaraciju Vijeća za implementaciju mira (Brisel 23. i 24. maj 2000. godine) kojom se zahtijeva uspostava istinski nezavisnog i nepristrasnog pravosuđa kako bi se osigurala vladavina prava u svim krivičnim, građanskim i privrednim stvarima, te priznajući "trajnu potrebu za međunarodnom nadzornom institucijom za reformu pravosuđa u iščekivanju da OHR dođe do rješenja u pogledu Programa reforme pravosuđa" te da Vijeće "podržava daljnje napore Visokog predstavnika da predvodi aktivnosti u reformi pravosuđa i usklađuje napore međunarodne zajednice po tom pitanju."

***Uzimajući u obzir*** Komunike Upravnog odbora Vijeća za implementaciju mira (Sarajevo, 13.07.2000. godine) u kojem stoji da su se "Upravni odbor i Visoki predstavnik saglasili da je po pitanju reforme pravosuđa i unapređenja vladavine

prava potreban trajan angažman međunarodne zajednice" i da će "za tu svrhu, Visoki predstavnik uspostaviti Nezavisnu pravosudnu komisiju";

**Pozivajući se** na Komunike Upravnog odbora Vijeća za implementaciju mira od 28.02.2002. godine, u kojem Upravni odbor podržava pooštenu strategiju reforme pravosuđa Nezavisne pravosudne komisije za 2002/03. godinu, kao i uvažavajući, između ostalog, značaj uspostavljanja Visokog sudskog vijeća za BiH i reorganizacije sudova, a što se dalje ponavlja u Komuniku od 7.05.2002. godine;

**Pozivajući se** na odluke kojim su donijeti zakoni o Visokom sudskom i tužilačkom vijeću Federacije Bosne i Hercegovine, Visokom sudskom i tužilačkom savjetu Republike Srpske, Visokom sudskom i tužilačkom vijeću Bosne i Hercegovine i Uputstva od 23.05.2002. godine, kako bi se ojačala nezavisnost pravosuđa i osiguralo da ponovna imenovanja sudija i tužilaca budu u skladu sa reorganizacijom sudova i tužilaštava.

**Pozivajući se dalje** na Komunike Upravnog odbora Vijeća za implementaciju mira od 25. i 26. septembra 2003. godine u kojem se Upravni odbor: "saglasio da produži mandat Nezavisne pravosudne komisije, kao i prelazni period Visokih sudskih i tužilačkih vijeća do 31.03.2004. godine. Upravni odbor je čvrsto podržao uspostavu jednog Visokog sudskog i tužilačkog vijeća na nivou države i apelirao je na vlasti BiH da u tome odmah daju svoj doprinos."

**Pozdravljujući** postizanje sporazuma između entiteta o prenošenju određenih odgovornosti koje se odnose na pravosuđe na nivo Bosne i Hercegovine, kojim se omogućava uspostavljanje jednog Visokog sudskog i tužilačkog vijeća na nivou Bosne i Hercegovine;

**Uočavajući** činjenicu da zakon o jednom Visokom sudskom i tužilačkom vijeću na nivou Bosne i Hercegovine neće stupiti na snagu do 1.04.2004. godine i da postoji potreba da se prelazni

period za tri postojeća zakona o VSTV na državnom i entitetskom nivou produži do kraja maja 2004. godine kako bi se osigurao kontinuiran rad Vijeća i njihova kasnija transformacija u jedno Visoko sudska i tužilačko vijeće na nivou Bosne i Hercegovine, kako je predviđeno u gore navedenom sporazumu;

**Pozivajući** se na prethodne odluke Visokog predstavnika, odluku br. 167/02 o donošenju Zakona o Visokom sudsakom i tužilačkom vijeću Bosne i Hercegovine, a koja je objavljena u "Službenom glasniku Bosne i Hercegovine", 15/02, "Službenim novinama Federacije Bosne i Hercegovine", 29/02, "Službenom glasniku Republike Srpske", 40/02, i u "Službenom glasniku Brčko Distrikta" 11/02, odluku 15/02 o donošenju Zakona o izmjenama i dopunama Zakona o Visokom sudsakom i tužilačkom vijeću Bosne i Hercegovine, koja je objavljena u "Službenom glasniku Bosne i Hercegovine", 26/02, "Službenim novinama Federacije Bosne i Hercegovine", 47/02, "Službenom glasniku Republike Srpske", 58/02 i u "Službenom glasniku Brčko Distrikta" 12/02, odluku 62/02 o donošenju Zakona o novim izmjenama i dopunama Zakona o Visokom sudsakom i tužilačkom vijeću Bosne i Hercegovine, koja je objavljena u "Službenom glasniku Bosne i Hercegovine", 35/02, "Službenim novinama Federacije Bosne i Hercegovine", 62/02, i u "Službenom glasniku Republike Srpske", 77/02 i odluku 164/03 o donošenju Zakona o izmjenama i dopunama Zakona o Visokom sudsakom i tužilačkom vijeću Bosne i Hercegovine, koja je objavljena u "Službenom glasniku Bosne i Hercegovine", 42/03, i u "Službenom glasniku Brčko Distrikta", 28/03.

Ovim donosim slijedeću

## **ODLUKU**

**kojom se donosi Zakon o izmjenama i dopunama Zakona o Visokom sudsakom i tužilačkom vijeću Bosne i Hercegovine,**

koji je priložen kao sastavni dio ove odluke.

Ovaj zakon stupa na snagu kao zakon Bosne i Hercegovine, danom

određenim u članu 7. ovog zakona, na privremenoj osnovi, sve dok ga Parlamentarna skupština Bosne i Hercegovine ne usvoji u odgovarajućem obliku, bez izmjena i dopuna i dodatnih uvjeta.

Ova odluka stupa na snagu odmah i objavljuje se bez odlaganja u "Službenom glasniku Bosne i Hercegovine" i "Službenom glasniku Brčko Distrikta Bosne i Hercegovine".

*Sarajevo, 31.03. 2004.godine*

*Paddy Ashdown  
Visoki predstavnik*

---

## **ZAKON O IZMJENAMA I DOPUNAMA ZAKONA O VISOKOM SUDSKOM I TUŽILAČKOM VIJEĆU BOSNE I HERCEGOVINE**

Zakon o Visokom sudskom i tužilačkom vijeću Bosne i Hercegovine ("Službeni glasnik Bosne i Hercegovine", br. 15/02), u izmijenjenom i dopunjrenom obliku ("Službeni glasnik Bosne i Hercegovine", br. 26/02, br. 35/02 i br.42/03) (u daljem tekstu: "Zakon"), ovim dobija slijedeće nove izmjene i dopune:

### **Član 1.**

U članu 66, stav 1, riječi "do 31.03.2004. godine" zamjenjuju se riječima "do 31.05.2004. godine".

### **Član 2.**

Član 67, stav 2. se briše.

### **Član 3.**

U članu 67, stav 4, riječi "Do 31.03. 2004. godine" zamjenjuju se riječima "Do 31.05. 2004. godine".

#### **Član 4.**

U članu 68, prva rečenica, riječi "do 31.03. 2004. godine" zamjenjuju se riječima "do 31.05. 2004. godine".

U članu 68, druga rečenica, riječi " 1.04. 2004. godine" zamjenjuju se riječima "1.06. 2004. godine".

#### **Član 5.**

Član 69. briše se.

#### **Član 6.**

Iza člana 73, dodaje se novi član 73a, koji glasi:

"Osoblje Nezavisne pravosudne komisije prelazi u Sekretarijat iz člana 15. ovog zakona i Ured disciplinskog tužioca iz člana 47."

#### **Član 7.**

Ovaj zakon stupa na snagu 01.04.2004. godine i objavljuje se u "Službenom glasniku Bosne i Hercegovine" i u "Službenom glasniku Brčko Distrikta".